

## **Claudii Fleurii Abbatis Historia Ecclesiastica**

Ab anno Christi 1431. usque ad annum 1441

**Fleury, Claude**

**August. Vind. [u.a.], 1768**

**VD18 90118316**

§. 174. Imperatoris consilium de negotio usque ad comitia  
Francofordiensia differendo.

---

[urn:nbn:de:hbz:466:1-66426](#)

Sæcul. XV.  
A.C. 1441.

§. CLXXIII.

*Principum sententia.*

*Acta Patric.* Altera die Carvajalus, & Cusa contra  
*pag. 1592.* responso Segoviensis dicta infra-  
mabant. Exinde cum Basileenses audi-  
ri peterent, haud amplius admissi sunt.  
Principes vero, solo excepto Trevirensum  
Electore tum absente, collatis consiliis  
cum Friderici, & Franciae Regis Orato-  
ribus in hanc sententiam convenere: pro-  
pace Ecclesiæ Oecumenica congregetur  
**Synodus**, in alia tamen præter Basileam  
& Florentiam, vel Germaniæ, vel Fran-  
ciæ civitate: ad hoc Concilium conten-  
dentes partes ab Imperatore vocentur,  
atque Oratores nomine Cæsar, Gallia-  
rum Regis, ac Principum ad Eugenium  
mittantur mense Novembri, idemque A-  
madaeo significetur per quemdam ex  
suis Prælatis: Denique Concilium omni-  
no inchoetur Calendis Augusti anni pro-  
ximi millesimi quadringentesimi quadra-  
gesimi secundi.

§. CLXXIV.

*Imperatoris consilium de negotio usque  
ad comitia Francofordiensia  
differendo.*

**H**æc Principum sententia mittebatur ad  
Fridericum Imperatorem, quem eo  
tempo-

tempore Viennæ degentem Eugenii & Sæcul. XV.  
Basileensium Oratores convenerant, fin- A.C. 1441.  
gulis summo studio, ac animi contentio-  
ne caussam suam tuentibus. Fridericus  
horum rationes percepit, sed eorum po-  
stulatis nihil concedens, totum negotium  
ad comitia, quæ Francofordiæ mense  
Novembri, die S. Martino sacra celebra-  
rentur, distulit atque de communi Prin-  
cipum consilio rem esse decidendam e-  
dixit. Nihilominus hunc Imperii con-  
gressum nennijs mense Majo anni supra  
millesimum quadringentesimi quadrage-  
simi secundi habitum esse constat. Ce-  
terum Albertus, qui Cæsari proxime san-  
guine junctus erat, Felici adhærere, ei-  
demque obsequium suum ad extremum  
usque vitæ diem deferre professus est.  
His peractis solutus est Moguntiæ con-  
ventus: Basileenses vero, cum ipsis ulte-  
riora proponere integrum non esset, pro-  
lixam apologiam scripserunt, quam ubivis  
follcite disseminarunt, dicta ac rationes  
eorum, qui Eugenio Papæ favebant, e-  
nervare volentes.

### §. CLXXV.

#### *Sessio XLIII. Basileensis Synodi.*

Moguntino conventu tandem absoluto, *Labb. Cone.*  
celebrata est Basileæ Sessio ordine <sup>to. 12. p. 684.</sup> quadragesima tertia. Per longum tem-  
pus,